

SALUDENDE S'ANNU NOU

S'annu norantaduos èst passadu
 lassende logu a su norantatrese
 sas manos mias mi toccan sos pese
 saludende su Babbu 'e su Creadu.
 E cun Isse su doverosu inchinu
 siat salute pro sa bona zente
 immodu chi su coro e-i sa mente
 potan curare su nostru destinu.
 E cantos in s'obliu han fattu male
 a s'immagine Santa rispettosa
 pensare potan subr'e cudda losa
 chi s'èst aberta in sa die Pascale.
 S'auguriu meu ben'ispero
 siat coronadu de fiores
 ca de s'arcubalenu sos colores
 giughiant sas Musas de Omero.+3
 Las bido sun inogh'a circu tundu
 pro fagher in Desulo festa manna
 cun d'unu Zegu abertu han sa janna
 pro cantare s'istoria de su mundu.
 S'onore èst meu e de cantos sunu
 attentos pro lis fagher de piattu
 a custas Deas chi cunservan s'attu
 de su poema ch'èst de cadaunu.
 Quasi tremiz'annos sun passados
 dae su tempus de cuss'iscrittura
 imbolighende filu de cultura
 in su matessi fusu 'e sos innados. +1
 Su cabu meu pro custa madassa
 lu cherzo dar'offertu dae coro
 ca de sa vida su menzus tesoro
 èst s'amigu chi no hat sa trassa.+2

Innados=Congeniti +1
 Trassa=Malignità +2
 Omero era cieco +3

Laureliotis

ANTONIO SANNA
BULTEI